



**UNIVERSITI PUTRA MALAYSIA**

**PENGARUH DAN KESAN AKTIVITI SEKS SIBER DI KALANGAN  
PENGGUNA INTERNET DI MALAYSIA**

**SYAMSUL ANUAR BIN ISMAIL**

**FBMK 2003 6**

**PENGARUH DAN KESAN AKTIVITI SEKS SIBER DI KALANGAN  
PENGGUNA INTERNET DI MALAYSIA**

**SYAMSUL ANUAR BIN ISMAIL**

**MASTER SAINS**

**UNIVERSITI PUTRA MALAYSIA**

**2003**



Abstrak tesis yang dikemukakan kepada Senat Universiti Putra Malaysia  
sebagai memenuhi keperluan untuk Ijazah Master Sains

**PENGARUH DAN KESAN AKTIVITI SEKS SIBER DI KALANGAN  
PENGGUNA INTERNET DI MALAYSIA**

Oleh

**SYAMSUL ANUAR ISMAIL**

Mac 2003

**Pengerusi : Prof. Madya Dr. Md. Salleh Hj. Hassan**

**Fakulti : Bahasa Moden dan Komunikasi**

Kajian ini adalah untuk mengenalpasti faktor-faktor yang mendorong pengguna Internet di Malaysia melibatkan diri di dalam aktiviti seks siber serta menilai kesan dan pengaruh aktiviti ini ke atas mereka. Kajian ini telah dijalankan ke atas pengguna Internet yang berdaftar sebagai ahli kepada empat kumpulan diskusi Internet yang bertemakan seks di Malaysia. Seramai 303 orang ahli daripada kumpulan tersebut secara sukarela bersetuju menjadi responden kajian dan menjawab soal selidik kajian secara *online*.

Hasil dapatan kajian menunjukkan terdapat perkaitan yang signifikan antara tempoh penggunaan Internet untuk tujuan seks siber dengan kesan ke



atas tingkahlaku seksual, hubungan keluarga, motivasi belajar dan motivasi kerja. Hasil kajian juga menunjukkan ciri-ciri interaktif yang dimiliki oleh Internet, kebolehrahsiaan identiti individu atau *anonymity*, keselesaan ketika melayari Internet, kemudahan capaian ke atas bahan-bahan pornografi di Internet menerusi penggunaan WWW, e-mel dan kumpulan diskusi Internet - *newsgroup* serta faktor untuk melepaskan diri daripada tekanan kerja atau belajar telah dikenalpasti antara faktor-faktor yang mendorong pengguna Internet di Malaysia melibatkan diri di dalam aktiviti seks siber ini. Faktor-faktor tersebut juga mempunyai perkaitan yang signifikan dengan kesan ke atas tingkahlaku seksual, hubungan keluarga, motivasi belajar dan motivasi kerja.

Dari aspek kesan aktiviti seks siber, secara umumnya hasil kajian mendapati tidak wujud perbezaan yang signifikan antara jantina, bangsa, kategori umur, status perkahwinan, kategori responden dan tahap pendidikan dengan kesan aktiviti seks siber ke atas tingkahlaku seksual, hubungan keluarga, motivasi belajar dan motivasi kerja. Walau bagaimanapun hasil kajian mendapati wujud perbezaan yang signifikan antara kategori responden dengan kesan aktiviti seks siber ke atas hubungan keluarga.

Manakala dari aspek tempoh penggunaan Internet untuk tujuan seks siber, hasil kajian menunjukkan wujud perbezaan yang signifikan antara responden yang masih bujang dan responden yang sudah berkahwin dengan

tempoh penggunaan Internet. Sebaliknya hasil kajian mendapati tidak wujud perbezaan yang signifikan antara jantina, bangsa, kategori umur, kategori responden dan tahap pendidikan dengan tempoh penggunaan Internet untuk tujuan seks siber. Keseluruhan hasil dapatan kajian telah menyokong Model Ketagihan Seks Siber - ACE (*Anonymity, Convenience, Escape*) yang disarankan oleh Kimberly Young.

Abstract of thesis presented to the Senate of Universiti Putra Malaysia in fulfillment of the requirement for the degree of Master of Science

**THE INFLUENCE AND IMPACT OF CYBERSEX ACTIVITY AMONG  
MALAYSIAN INTERNET USERS**

By

**SYAMSUL ANUAR ISMAIL**

**March 2003**

**Chairman : Associate Prof. Dr: Md. Salleh Hj. Hassan**

**Faculty : Modern Language and Communication**

This study is to identify factors that led Internet users in Malaysia to involve in cybersex activity. It is also intended to evaluate the influence and impact of this activity to them. This study has been done among Internet users, who has been registered as a members of 4 sex-theme Internet newsgroup in Malaysia. Three hundred three members of these groups volunteered to be the respondent of the study and answered the online questionnaire.

Finding shows a significant relationship between the duration of cybersex's Internet usage and the impact to the sexual behaviour, family relationship, learning motivation and working motivation. This study also



discovered the interactive characteristic owned by the Internet, individual identity anonymity, comfortable while surfing the Internet, easy access to the pornography resources in Internet using the WWW, e-mail and newsgroup, as well as escapism factors from working or learning stress, as factors that led Malaysian Internet users to involve in the cybersex activity. Those factors also show a significant relationship to the impact of sexual behavior, family relationship, learning motivation and working motivation.

Generally from the aspect of the cybersex activities impact, the study shows that there are no significant differences between gender, race, age, respondent category and education level with the impact of cybersex activities on sexual behaviour, family relationship, learning and working motivation. However the study found that there is a significant difference between respondent category with the impact of cybersex activities on family relationship.

Meanwhile from the aspect of the duration for cybersex 's Internet usage, the study shows a significant difference between a bachelor and married respondents. Other than that the study show there are no significant difference between gender, race, age, respondent category and education level with the duration of cybersex's Internet usage. Overall result of the study fully support

the Cybersex Addiction Model - ACE (*Anonymity, Convenience, Escape*) by  
Kimberly Young.





## PENGHARGAAN

Melalui kesempatan ini, saya ingin merakamkan setinggi penghargaan terima kasih kepada jawatankuasa penyeliaan tesis saya yang terdiri daripada Prof. Madya Dr. Md Salleh Hj Hassan (pengerusi), Prof. Madya Dr Musa Abu Hassan (penyelia utama) dan Encik Abdul Rashid Md Ali yang telah banyak memberi bimbingan, teguran dan tunjuk ajar tanpa jemu dan penuh kesabaran dalam proses penyelidikan tesis saya ini.

Ucapan terima kasih juga saya tujukan kepada rakan-rakan sekerja di Sekolah Pembangunan Sosial terutamanya Puan Rohana Yusof, Prof Madya Mohd Foad Sakdan, Prof Dato'Amir Awang dan saudara Mohd Sobhi Ishak yang terlibat secara langsung atau tidak langsung kerana memberi kerjasama yang amat baik kepada saya semasa menjalankan penyelidikan tesis saya ini.

Kepada ahli-ahli keluarga, isteri tersayang - Yusrol Mazlinda binti Mohamad Yusop dan anakanda Faris Wajdi terima kasih tiada batasnya atas berkat doa dan pengorbanan kalian selama ini. Setulus doa kupanjatkan ke atas roh kekandaku Allahyarham Mohd Nordin Ismail dan kedua-dua nendaku yang telah pergi meninggalkan kami, moga roh mereka ditempatkan di kalangan orang yang beriman di sisi Allah s.w.t.



## SENARAI KANDUNGAN

	<b>Halaman</b>
<b>ABSTRAK</b> .....	ii
<b>ABSTRACT</b> .....	v
<b>PENGHARGAAN</b> .....	viii
<b>PENGESAHAN</b> .....	ix
<b>PERAKUAN</b> .....	xi
<b>SENARAI KANDUNGAN</b> .....	xii
<b>SENARAI JADUAL</b> .....	xiv
<b>SENARAI RAJAH</b> .....	xvi
 <b>BAB</b>	
<b>1</b>	
<b>PENDAHULUAN</b>	1
Latar Belakang Kajian .....	1
Pernyataan Masalah .....	5
Persoalan Kajian .....	6
Objektif Kajian .....	7
Kepentingan Kajian .....	8
Batasan Kajian .....	9
Takrifan Istilah .....	9
<b>2</b>	
<b>KAJIAN BAHAN BERTULIS</b>	15
Sejarah Perkembangan Pornografi .....	15
Definisi Pornografi .....	17
Bentuk-bentuk Pornografi .....	19
Perkembangan Pornografi di Internet .....	20
Keunikan Pornografi di Internet .....	25
Kesan Pornografi dan Aktiviti Seks Siber Ke Atas Individu .....	27
Kesimpulan .....	34
Model Ketagihan Seks Siber – ACE .....	35
Pembentukan Rangka Teoritikal Kajian .....	37
Rangka Teoritikal Kajian .....	39
Hipotesis Kajian .....	40
<b>3</b>	
<b>METODOLOGI KAJIAN</b>	41
Reka Bentuk Kajian .....	41
Lokasi dan Subjek Kajian .....	43
Populasi dan Persampelan .....	47
Rangka Persampelan .....	48
Pembolehubah Kajian .....	50
Instrumen Kajian .....	51
Pengkukuran Pembolehubah Kajian .....	54

	Pra-Ujian .....	55
	Pengumpulan Data .....	57
	Penganalisaan Data .....	59
<b>4</b>	<b>HASIL KAJIAN DAN PERBINCANGAN</b>	<b>61</b>
	Ciri-Ciri Demografi Responden .....	61
	Penggunaan Internet Oleh Responden .....	65
	Faktor-Faktor Yang Mendorong Pengguna Internet Melibatkan Diri Dalam Aktiviti Seks Siber .....	69
	Kesan Aktiviti Seks Siber .....	70
	Kesan Aktiviti Seks Siber Ke Atas Tingkahlaku Seksual ....	71
	Kesan Aktiviti Seks Siber Ke Atas Hubungan Keluarga .....	72
	Kesan Aktiviti Seks Siber Ke Atas Motivasi Belajar .....	73
	Kesan Aktiviti Seks Siber Ke Atas Motivasi Kerja .....	74
	Perkaitan Antara Faktor- Faktor Yang Mendorong Pengguna Internet Melibatkan Diri Dalam Aktiviti Seks Siber Dengan Kesan Ke Atas Mereka .....	75
	Perbezaan Kesan Aktiviti Seks Siber Mengikut Jantina .....	77
	Perbezaan Kesan Aktiviti Seks Siber Mengikut Bangsa .....	78
	Perbezaan Kesan Aktiviti Seks Siber Mengikut Kategori Umur ..	79
	Perbezaan Kesan Aktiviti Seks Siber Mengikut Status Perkahwinan .....	80
	Perbezaan Kesan Aktiviti Seks Siber Mengikut Kategori Responden .....	81
	Perbezaan Kesan Aktiviti Seks Siber Mengikut Tahap Pendidikan .....	82
	Perbezaan Tempoh Penggunaan Internet Untuk Tujuan Seks Siber Mengikut Jantina, Bangsa, Kategori Umur, Status Perkahwinan dan Kategori Responden .....	84
	Perbezaan Tempoh Penggunaan Internet Untuk Tujuan Seks Siber Mengikut Tahap Pendidikan .....	85
	Ujian Hipotesis Bagi Pembolehubah Kajian .....	86
<b>5</b>	<b>RINGKASAN, KESIMPULAN DAN CADANGAN</b>	<b>90</b>
	Ringkasan Kajian .....	90
	Kesimpulan .....	98
	Cadangan Kajian Lanjutan .....	99
	<b>BIBLIOGRAFI</b> .....	<b>101</b>
	<b>LAMPIRAN : BORANG SOAL SELIDIK</b> .....	<b>111</b>
	<b>BIODATA PENULIS</b> .....	<b>117</b>

## SENARAI JADUAL

Jadual		Halaman
1	Senarai Kumpulan Diskusi Dalam Egroups .....	46
2	Respon Jawapan Soal Selidik Yang Diterima Untuk Tujuan Pra Uji .....	54
3	Ujian Alpha Cronbach .....	56
4	Respon Jawapan Soal Selidik Secara Online .....	58
5	Ciri-Ciri Demografi Responden .....	62
6	Penggunaan Internet Oleh Responden .....	65
7	Peratus Responden Mengikut Tahap Persetujuan Terhadap Faktor-Faktor Yang Mendorong Mereka Melibatkan Diri Dalam Aktiviti Seks Siber .....	69
8	Peratus Responden Mengikut Item Bagi Kesan Aktiviti Seks Siber Ke Atas Tingkahlaku Seksual .....	70
9	Peratus Responden Mengikut Item Bagi Kesan Aktiviti Seks Siber Ke Atas Hubungan Keluarga .....	71
10	Peratus Responden Mengikut Item Bagi Kesan Aktiviti Seks Siber Ke Atas Motivasi Belajar .....	72
11	Peratus Responden Mengikut Item Bagi Kesan Aktiviti Seks Siber Ke Atas Motivasi Kerja .....	73
12	Perkaitan Antara Faktor-Faktor Yang Mendorong Pengguna Internet Melibatkan Diri Dalam Aktiviti Seks Siber Dengan Kesan Ke Atas Mereka .....	75
13	Ujian t Untuk Membandingkan Kesan Aktiviti Seks Siber Antara Jantina .....	77
14	Ujian t Untuk Membandingkan Kesan Aktiviti Seks Siber Antara Bangsa .....	78

15	Ujian t Untuk Membandingkan Kesan Aktiviti Seks Siber Antara Kategori Umur .....	79
16	Ujian t Untuk Membandingkan Kesan Aktiviti Seks Siber Antara Status Perkahwinan .....	80
17	Ujian t Untuk Membandingkan Kesan Aktiviti Seks Siber Antara Kategori Responden .....	81
18	Ujian Anova Untuk Membandingkan Kesan Aktiviti Seks Siber Antara Tahap Pendidikan Tertinggi .....	82
19	Ujian t Untuk Membandingkan Tempoh Penggunaan Internet Untuk Tujuan Seks Siber Antara Jantina, Bangsa, Kategori Umur, Status Perkahwinan dan Kategori Responden .....	84
20	Ujian Anova Untuk Membandingkan Tempoh Penggunaan Internet Untuk Tujuan Seks Siber Antara Tahap Pendidikan .....	85
21	Perkaitan Antara Tempoh Penggunaan Internet Untuk Tujuan Seks Siber Dengan Kesan Ke Atas Responden ....	88



## SENARAI RAJAH

Rajah		Muka Surat
1	Rangka Teoritikal Kajian .....	39

## BAB 1

### PENDAHULUAN

#### Latar Belakang Kajian

Satu perkembangan yang amat ketara di dunia pada masa kini ialah berlakunya ledakan teknologi maklumat dan komunikasi (ICT) dengan memperlihatkan medium Internet muncul sebagai pemain utamanya. Internet sebagai jaringan komputer terbesar yang menyambungkan nod-nod komputer di seluruh dunia telah membolehkan manusia memperolehi maklumat dan pengetahuan baru melalui Internet dengan hanya menekan papan kekunci di komputer.

Hakikat yang tidak boleh dinafikan bahawa Internet telah menawarkan peluang yang seluas-luasnya kepada sesiapa sahaja yang ingin meneroka dan menguasai ruang siber, menyebarkan maklumat dan pendapat tanpa had, mengalami dan mencipta pengalaman baru, serta memperolehi kemahiran terkini atau memanipulasi kemahiran yang sedia ada (Ramlan, 1998). Cooper, Putnam, Planchon, dan Boies (1999) seterusnya menyifatkan Internet sebagai suatu medium komunikasi yang telah berjaya mempengaruhi dan memberi

definisi baru terhadap pelbagai aspek komunikasi dan permasalahan sosial yang sedang berlaku.

Fenomena penggunaan Internet merupakan satu arus baru dunia yang pantas telah memukau dan menarik perhatian ramai. Keupayaannya dalam menyalur maklumat dengan cepat dan keunikannya sebagai suatu media 'dua dalam satu' yang bersifat interaktif membezakan ia dengan media-media yang lain. Hasil pengintegrasian pelbagai media, Internet kini menjadi alat komunikasi terpenting untuk mengirim dan bertukar-tukar maklumat melalui e-mel, menghantar, mewujudkan dan membaca mesej-mesej melalui kumpulan diskusi - *newsgroup*, melayari *World Wide Wide (WWW)*, menonton siaran berita daripada laman web interaktif CNN atau berborak-borak di bilik *chatting* melalui perkhidmatan *Internet Relay Chat - IRC* (Mohd Zulkifli, 2001).

Kehadiran Internet telah menjana satu bentuk revolusi komunikasi yang mengubah cara dan saluran komunikasi antara individu. Kuasa Internet dalam menyalurkan informasi dan menghubungkan dunia, merentasi benua tanpa mengira batas sempadan negara telah mengubah lanskap budaya serta mempercepatkan lagi penerimaan masyarakat dunia terhadap nilai-nilai sejagat (Heider & Harp, 2000). Malah sesetengah sarjana Barat menyifatkan Internet sebagai suatu medium harapan kepada perjuangan mengenai demokrasi,



kebebasan bersuara dan konsep kesejagatan di kalangan penduduk dunia (Barlow, 1997 dan Pavlik, 1996).

Secara umumnya, populasi *online* - satu istilah khusus yang merujuk kepada komuniti pengguna Internet di seluruh dunia dianggarkan berjumlah 1.47 billion orang dan angka tersebut dijangka meningkat kepada 7.2 billion orang menjelang tahun 2005 malah ianya juga diramal berkembang dengan kadar 40 - 50 % dalam setahun (Casanova, 2000). Sementara itu menurut laporan International Data Corporation (IDC), bilangan pengguna Internet di Malaysia dianggarkan berjumlah 1.89 juta orang pada tahun 2000, malah menjelang tahun 2004 pengguna Internet di Malaysia diramalkan meningkat kepada 3.91 juta orang.

Angka-angka penggunaan Internet ini dengan jelas menunjukkan betapa kuatnya pengaruh Internet pada masa kini. Malah perkembangan terbaru teknologi komunikasi khasnya produk-produk komersil seperti telefon bimbit dan mesin pengurus digital peribadi (PDA) turut dilengkapi dengan ciri-ciri *online* sebagai strategi untuk menarik lebih ramai pelanggan menggunakan Internet.

Namun begitu pembangunan teknologi Internet juga turut tidak terkecuali daripada impak-impak negatif. Antara isu kontroversi yang hebat

diperdebatkan adalah kemunculan elemen-elemen lucah dalam Internet atau dengan istilah yang lebih khusus, 'pornografi Internet'. Pornografi Internet merupakan antara fenomena baru yang hangat diperdebatkan oleh pelbagai pihak. Pelbagai istilah digunakan oleh para penyelidik yang mengkaji mengenai elemen-elemen pornografi di Internet; *cyberporn* (Ven-Hwei dan Ran Wei, 2000), *cybersex* (Cooper, Delmonico dan Burg, 2000; Schneider, 2000a; Delmonico, 1997), *Internet pornography* (Mahood, Kalyanaraman dan Sundar, 2000), *online sexual addiction* (Putnam, 1999), dan *cyber sexual addiction* (Young, 1999).

Menurut laporan laman web Agenda Malaysia bertarikh 15 Ogos 2001, suatu kajian yang dijalankan oleh syarikat pemantau Internet, NetValue mendapati 41.2% daripada 9,411 laman web yang dilayari oleh pengguna-pengguna Internet di Britain adalah terdiri daripada laman web lucah. Malah dianggarkan kira-kira 3.6 juta daripada 10 juta pengguna Internet di negara itu dikesan sering melayari laman-laman web lucah dengan menghabiskan masa selama 45 minit melayarinya dalam tempoh seminggu. Lebih membimbangkan lagi apabila hasil kajian itu turut mendapati satu perlima dari jumlah tersebut adalah terdiri daripada golongan pelajar dan remaja.

Masyarakat Malaysia juga turut tidak terlepas daripada ancaman moral ini. Suatu kajian awal mengenai sikap dan pengaruh laman web lucah ke atas

pengguna Internet di Malaysia telah dijalankan oleh seorang pensyarah Jabatan Psikologi Universiti Kebangsaan Malaysia (UKM), Dr. Rozmi Ismail. Rozmi (2001) dalam kajiannya telah mendapati daripada 200 mahasiswa yang dipilih sebagai sampel kajian, 30% daripada mereka telah mengaku mempunyai tabiat melayari laman web lucah atas alasan ingin melepaskan diri daripada tekanan belajar. Tiga puluh peratus responden pula mengaku bahawa mereka telah melayari laman web lucah bagi tujuan hiburan manakala 20% pula berkata mereka bertindak sedemikian atas ajakan kawan. Selebihnya (20%) mendakwa hanya bertujuan untuk menghabiskan masa lapang.

### **Pernyataan Masalah**

Lebuhraya maklumat yang tersedia untuk diterokai boleh mengikat sebahagian besar masa kehidupan seseorang individu itu kepada Internet. Kajian-kajian yang dilakukan oleh Young (1998, 1999), Davis (2001) dan Schneider (2000a, 2000b) mendapati pengguna-pengguna Internet yang ghairah melayari laman web lucah atau berborak di *channel-channel* erotik seringkali menghadapi masalah hubungan komunikasi dengan ahli keluarga. Malah prestasi kerja dan akademik mereka juga dikatakan semakin merosot ekoran keghairahan melibatkan diri dalam aktiviti seks siber ini. Sementara itu, kajian oleh Cooper et al. (1999) juga turut mendapati individu yang kerap

menggunakan Internet untuk melayari laman-laman web lucah cenderung untuk memuaskan nafsu dengan cara beronani semasa sesi *online* berlangsung.

Sebagai medium komunikasi baru yang mengintergrasikan pelbagai bentuk media yang berasingan ke dalam satu media, Internet sudah pasti menjanjikan keasyikan kepada pelayar web untuk mendapatkan bahan-bahan erotik dan lucah sama ada dalam bentuk gambar, video-video klip atau berborak-borak melalui IRC dan mencari pasangan seks melaluinya. Lebih mendukacitakan lagi elemen-elemen pornografi di Internet lebih sukar dibendung kerana sifat Internet yang begitu bebas berbanding dengan media – media lain yang mudah dikawal melalui penguatkuasaan undang-undang media yang sedia ada. Malah bahan-bahan lucah ini pula boleh diperolehi dengan mudah melalui komputer yang mempunyai sambungan Internet seperti di kafe-kafe siber, di rumah mahupun di pejabat.

### **Persoalan Kajian**

Keghairahan melayari laman web lucah dan berborak-borak dalam *channel-channel* erotik melalui IRC kian memuncak sejak akhir-akhir ini. Ia dibimbangi akan melemahkan minda pengguna Internet dalam menjalani kehidupan seharian mereka. Justeru itu, kajian ini cuba meneroka dan menjawab persoalan-persoalan berikut :-

1. Apakah faktor-faktor yang mendorong pengguna Internet di Malaysia melibatkan diri dalam aktiviti seks siber ?
2. Apakah pengaruh dan kesan aktiviti seks siber ini kepada pengguna Internet di Malaysia ?

### **Objektif Kajian**

Objektif umum kajian ini adalah untuk mengenalpasti faktor-faktor yang mendorong pengguna Internet di Malaysia melibatkan diri dalam aktiviti seks siber serta pengaruh dan kesan aktiviti seks siber ini ke atas mereka.

Objektif khusus kajian adalah seperti berikut:-

1. Mengetahui ciri-ciri penggunaan Internet untuk tujuan aktiviti seks siber oleh responden kajian.
2. Menentukan perkaitan antara faktor-faktor yang mendorong pengguna Internet melibatkan diri dalam aktiviti seks siber dengan kesannya terhadap tingkahlaku seksual, hubungan keluarga, motivasi belajar dan motivasi kerja.
3. Menentukan perbezaan kesan aktiviti seks siber di antara jantina, bangsa, kategori umur, status perkahwinan, kategori responden dan tahap pendidikan.

4. Menentukan perbezaan tempoh penggunaan Internet untuk tujuan aktiviti seks siber di antara jantina, bangsa, kategori umur, status perkahwinan, kategori responden dan tahap pendidikan.
5. Menentukan perkaitan antara tempoh penggunaan Internet untuk tujuan seks siber dengan kesan ke atas tingkahlaku seksual.
6. Menentukan perkaitan antara tempoh penggunaan Internet untuk tujuan seks siber dengan kesan ke atas hubungan keluarga.
7. Menentukan perkaitan antara tempoh penggunaan Internet untuk tujuan seks siber dengan kesan ke atas motivasi belajar dan motivasi kerja.

### **Kepentingan Kajian**

Kajian penerokaan ini dijalankan untuk mengenalpasti faktor-faktor yang mendorong pengguna Internet di Malaysia terlibat di dalam aktiviti seks siber serta kesan aktiviti seks siber ini ke atas mereka. Justeru hasil kajian ini diharapkan dapat membantu memberi gambaran serta profil mengenai pengaruh dan kesan aktiviti seks siber di kalangan pengguna Internet di Malaysia. Ini sekaligus membantu pihak-pihak tertentu merangka dan mengambil tindakan wajar terhadap fenomena ini.

Dapatan kajian ini juga diharapkan dapat membantu ahli-ahli akademik untuk meneroka dengan lebih jauh lagi kesan dan implikasi aktiviti seks siber